

VIZE Aleksandra Štiglmajer za „Dnevni avaz“

RS (ni)je kriva za sve

Zašto bh. vlasti kasne s izdavanjem biometrijskih pasoša i insistiraju na važenju starih za još pet godina • Dvojna državljanstva veliki problem za Srbiju

Aleksandra Štiglmajer (Aleksandra Stiglmayer) ekspert je nevladine organizacije Inicijativa za evropsku stabilnost (ESI). Kao odlični poznavalac balkanskih i posebno bh. prilika, spada među najpoznatije da govori o problemima bezviznog režima prema našoj zemlji.

U razgovoru za „Dnevni avaz“ ona, između ostalog, ističe kako činjenica da su politički predstavnici Republike Srpske dobrano krivi za to što građani Bosne i Hercegovine i dalje stoje u redu za vize.

Polovični uspjesi

No, ističe da ne stoji ocjena da „BiH nije ništa postigla“.

- Naravno da BiH može i više postići. Znamo da se govori o tome da RS koči donošenje ili implementaciju važnih zakona. ESI će to dublje izanalizirati. Ali, postoje i druge stvari koje nemaju nikakve veze s problemima između RS i državnog nivoa.

Naprimjer, BiH planira tek sljedeće godine ozbiljno početi s izdavanjem biometrijskih pasoša. To veoma odugovlači cijeli proces. Tek nakon što pravo počne izdavanje tih dokumenata, Evropska komisija moći će pregledati taj segment - kako bjanko pasoši stižu u BiH, gdje se drže, kako se ubacuju lični podaci, kako se oni izdaju i je li taj cijeli sistem siguran.

Riječ je o vrlo bitnom segmentu i ako se on odgađa, onda je proces provjere moguć tek na proljeće naredne godine - upozorila

je Štiglmajer.

Pojašnjava i da je problem u tome što bh. vlasti insistiraju na tome da validnost starih pasoša, koji će biti izdavani do kraja ove godine, bude pet godina.

- To Evropska komisija nikako neće prihvatiti, jer se stari pasoši ne smatraju baš sigurnim - kaže ona.

Naša sagovornica ističe da je si-

vizni režim, praktično, getoizirati Bošnjake, jer bh. Hrvati imaju putovnice, a bh. Srbima nudi se državljanstvo Srbije, Štiglmajer kaže da su „u Briselu institucije EU, kao i države članice Unije, svjesne mogućnosti da Bošnjaci postanu jedini kojima su potrebne vize. Radi se na tome da razvoj događaja ne bude takav. Svima je ja-



Štiglmajer: Nefer igra s Kosovom

gurna kako, ako se bh. zvaničnici istinski potrudie, većina zahtjeva može biti ispunjena do kraja godine. Nada se i da je izvještaj iz Brisela od 18. maja, pun kritika na račun bh. vlasti, bio „poziv na buđenje u BiH“.

Osvrćući se na upozorenje da će

sno da bi to bio tragičan ishod koji bi samo probudio podjele i frustracije unutar BiH.

Status Kosova

Izdavanje srbijanskih pasoša građanima BiH, ali i Kosova, tema je o kojoj su vođeni, a i dalje se vode razgovori. Kada je Srbija u pitanju, njen položaj dodatno kompleksnim čini situacija s Kosovom.

- Kosovo nije dobilo mapu puta zato što nisu sve države EU priznale njegovu nezavisnost, tako da Kosovo za sada nema nikakvih izgleda za bezvizni režim. To nije fer igra. Kosovo zaslužuje mogućnost provođenja istih reformi koje su tražene od drugih zapadnobalkanskih država i da im se onda ukine vizni režim - kaže Štiglmajer.

S. N.

Regionalne posljedice

Iako je aktuelni sistem liberalizacije viznog režima predviđio da se proces provodi za svaku zemlju ponaosob, zakon EU o ovoj oblasti predviđa i mogućnost da se pri odlučivanju o tome u obzir uzmu i regionalne posljedice.

- Vjerujemo da je to izuzetno značajno i da može pomoći BiH

da ubrzano ispuni ono što se od nje traži.

Pred Komisijom i Unijom stoji odluka o tome s kojim državama sada treba početi ovaj proces, a s kojima naknadno. Vjerujemo da će obje ove institucije u Briselu imati na umu i odredbu o regionalnim posljedicama odluke - kazala je Štiglmajer.